



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 16. Quinque Episcopi restituuntur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

§. XVI.

Sæculum V.
A.C. 451.*Quinque Episcopi restituantur.*

Postquam omnes centum, & sexaginta Episcopi sententiam dixissent, Magistratus rogarunt, ut, si omnes ceteri Episcopi, qui speciatim suam mentem non aperuissent, eadem sentirent, id viva voce testarentur. Tunc omnes Episcopi exclamarunt: *omnes consensimus! omnes idem sentimus, omnes idem credimus! Reddite Patres Concilio! Catholici sunt! subscripserunt! in annos plurimos vivant Imperatores! vivat Imperatrix! quinque Episcopi Fidei subscripserunt, idem cum Leone sentiunt!* Quinque illi Episcopi, quorum reditum ardentem optabant, erant Juvenalis Jerosolymitanus, Thalassius Casariensis, Eusebius Ancyranus, Basilii Seleuciensis, & Eustathius Beritensis, qui cum Dioscoro in Conciliabulo Ephesino præfuerant, & in prima Sessione Calcedonenfi Depositione digni proclamati.

Ad hos Episcoporum clamores Magistratus dixerunt: *Rem istam ad Imperatorem detulimus, & responsum expectamus. Ceterum, Deo rationem de eo reddetis, quod Imperatore, nobisque ignavis, Dioscorum deposueritis, illos quinque, quos modo reddi vobis petitis, excluderitis, & de his omnibus, quæ in Concilio egistis.*

p. 507.

Sæculum V. stis. A. C. 451. Omnes exclamarunt: *Deus deposuit Dioscorum! æquum fuit, deponi Dioscorum! JEsus Christus deposuit Dioscorum!* Per aliquot horas expectatum, donec redirent, qui Imperatoris responsum afferrent. Tum Magistratus dixerunt: *Imperator Noster Piissimus ea, quæ ad causam Episcoporum, Juvenalis, Thalassii, Eusebii, Basilii, & Eustathii pertinent, Vestro Judicio relinquit; ergo, quid agendum, mature perpendite; de his enim rationem a vobis exposcet Deus.* Anatolius dixit: *petimus, ut ad nos ingrediantur!* Omnes Episcopi exclamarunt: *rogamus, ut intrent! reddite Concilio illos, qui eadem nobiscum sentiunt, qui Leonis Epistolæ subscripserunt.* Magistratus dixerunt: *intrent!* His igitur quinque Episcopis intransibus, & confidentibus, alii omnes exclamabant: *Dei hoc opus est! plurimos annos Imperatori! diutissime vivant Proceres! Senatus vivat! rediit concordia! Ecclesiarum Pacem tenemus!*

§. XVII.

Quid Ægyptii objecerint.

Quosdam Episcopos Ægyptios deinde intrare Magistratus jusserunt, qui Libellum supplicem Imperatori obtulerant. Tredecim ii erant, & omnibus consentientibus assederunt. Libellus eorum, omnium Episcoporum Ægypti nomine